

ডাকসুতে প্রতিবন্ধীদের জন্য ৮ দফা দাবিতে ছাত্রদল নেতার স্মারকলিপি

ঢাকা বিশ্ববিদ্যালয় প্রতিনিধি



সংগৃহীত ছবি

ঢাকা বিশ্ববিদ্যালয়ে প্রতিবন্ধী শিক্ষার্থীদের
অধিকার ও সুবিধা নিশ্চিত ৮ দফা দাবি নিয়ে
উপ-উপাচার্য (প্রশাসন) ড. সায়মা হক বিদিশার
কাছে একটি স্মারকলিপি পেশ করা হয়েছে।

রবিবার (২২ জুন) প্রতিবন্ধী শিক্ষার্থীদের
ক্যাম্পাসে সমান অংশগ্রহণ ও মর্যাদাপূর্ণ
শিক্ষাজীবন নিশ্চিত করতে ঢাকা বিশ্ববিদ্যালয়
ছাত্রদলের উদ্যোগে ‘কমল মেডিএইড, ঢাবি’
সংগঠনের প্রতিনিধিরা উপ-উপাচার্যের কার্যালয়ে
এ স্মারকলিপি জমা দেন। এতে নেতৃত্ব দেন
ছাত্রদল নেতা শেখ তানভীর বারী হামিম।

স্মারকলিপিতে উত্থাপিত দাবিগুলোর মধ্যে রয়েছে

—

১. ডাকসুতে প্রতিবন্ধী ক্ষমতায়ন সম্পাদক পদ

সৃষ্টি : আগামী ডাকসু নির্বাচনে ‘Disability Empowerment Affairs Secretary’ পদ

সৃষ্টির মাধ্যমে প্রতিবন্ধী শিক্ষার্থীদের নেতৃত্ব ও

নীতিনির্ধারণে প্রতিনিধিত্ব নিশ্চিত করা।

২. অবকাঠামোগত উন্নয়ন : সকল ইনস্টিটিউট,

হল ও ফ্যাকাল্টিতে র‍্যাম্প, ভয়েস রিকগনিশন

লিফটসহ প্রবেশগম্যতা নিশ্চিত করা।

৩. মেডিক্যাল সেন্টারে হুইলচেয়ার

ব্যবহারকারীদের সেবা : ড. মোর্তজা মেডিক্যাল

সেন্টারে নিচতলায় হুইলচেয়ার ব্যবহারকারীদের

জন্য আলাদা চিকিৎসা সুবিধা।

৪. প্রশাসনিক সেবা কেন্দ্র : প্রশাসনিক ভবনে

নিচতলায় প্রতিবন্ধীদের জন্য একটি সেবা কেন্দ্র

স্থাপন।

৫. উপযুক্ত ওয়াশরুম : প্রতিবন্ধী শিক্ষার্থীদের

জন্য নিরাপদ ও বিশেষভাবে ডিজাইনকৃত

ওয়াশরুম নিশ্চিত করা।

৬. সচেতনতামূলক সেমিনার : প্রতিবন্ধী

ব্যক্তিদের প্রতি সহানুভূতিশীল আচরণ ও সরঞ্জাম ব্যবহারের প্রশিক্ষণের জন্য সেমিনার আয়োজন।

৭. শিক্ষার্থী পরিচালিত ক্লাব : এনজিও হস্তক্ষেপ

ছাড়া শিক্ষার্থীদের দ্বারা পরিচালিত ক্লাব গঠন ও টিএসসিতে অফিস রুম প্রদান।

৮. স্কিল ডেভেলপমেন্ট ও উচ্চশিক্ষায় সহযোগিতা

: দক্ষতা উন্নয়ন প্রশিক্ষণ এবং উচ্চশিক্ষায় আর্থিক ও একাডেমিক সহায়তা।



সোনারগাঁয়ে চাঁদা না দেওয়ায় প্রবাসীকে গুলি করতে
তেড়ে গেলেন বিএনপি নেতা

স্মারকলিপি প্রদানকালে শেখ তানভীর বারী হামিম বলেন, ‘প্রতিবন্ধী শিক্ষার্থীদের মৌলিক অধিকার ও শিক্ষার সুযোগ নিশ্চিত করা বিশ্ববিদ্যালয়ের দায়িত্ব।

আমাদের দাবিগুলো বাস্তবায়ন হলে ক্যাম্পাসে একটি অন্তর্ভুক্তিমূলক ও বাধামুক্ত পরিবেশ তৈরি হবে।’